

土默特旗志

全

土默特旗志
十卷

土默特旗志卷一

總目

凡例

輿地

疆界圖考

疆界圖

二

沿革冠以表

城池

山川以上卷一

封建

源流

卷二

勳績爵賞附

世系

卷三

三表附

法守

年班

升轉



城垣

衙署

官吏

國書

學制 學校試法附

學堂

武備

差役

台站

要隘

倉庫

戶口 以上卷四

賦稅 卷五
輸出附

祀典 卷六
召廟附

理藩則例 卷七

風土

食貨

風俗 以上卷八

職官

職官考

職官表 以上卷九


人物

忠節

義行

烈婦

節婦 以上卷十



土默特旗疆界圖



達拉特旗

烏拉特東公旗

茂明安旗

白澤格爾鄂博

美達爾

薩拉齊斤

沙尔沁

色头

察汗鄂博

準格爾旗

舊黃河槽

黃河

河口鎮


托克托城斤

察素齊

阿拉善

克抽鄂博





土默特旗詳圖



土默特志凡例

- 一星度分野氣候之類及疆域城邑之詳皆與綏遠歸綏志同茲不復錄
- 一土默特奄有五厅地所治在我所主在彼以全圖予之朔懷柔也首紀一統志揭建置沿革城池山川之畧昭大統也其未及者概與歸綏同亦以統之
- 一封爵之初以王公表傳為經以蒙古源流藩部畧游牧記為緯知斯旗之先固大有人在也

一土默特之傳上溯十數世下暨八九世序以宣之表以綜之繩爾祖武即沐我皇仁念之哉

一土政析為十數畧畧仿武功志之例蟬聯為篇又考理藩院則例專屬乃旗者以總之監成憲也

一年班蒙所獨宜紀也廟祀官署何以惟土有之重初也以見諸厅之弗備也

一學制後補試法靖士氣也禮典冠文廟崇正祀也後附以招著羈縻之道也
紀輸田勸忠愛也紀食貨風俗開道化也蒙之人其魁旃

一蒙語非漢人所易解茲編如城池山川卡倫等數數見之故別為譯文一卷
又輯蒙言襟志一卷依類以求可也無煩複贅

一職員各列為表綴見在名銜猶綬志之義也緊要職重所守也列世職
存其緒也

一人物亦列四端先忠節勸從王也次義行勸從善也貞烈與節孝並著
彰倫紀著從一之道也

一土俗非無孝義節烈之人文士鮮而不知訪輯故耳茲力諷之乃由參領
等錄送教人亟登之以為倡

一籌蒙䟽續綬遠將軍所以宣布

聖德一視民蒙者也其事畧具於此其文入綏遠志中懼複也諭蒙不以文也

土默特全境圖考

土默特左右兩翼地廣四百五十里袤四百三十五里周徑千餘里東至察哈爾藍

旗又云舌爾登南至邊牆西至烏拉特東公旗又曰察北至達爾汗貝勒旗又曰托斯

東南至殺虎口西南至鄂爾多斯準格爾達拉特兩旗又曰托西北至茂明安並沙

爾沁河岸東北至四子部落旗所謂四至八道也推之遠脈則大青山由正西烏拉

特旗入本旗包頭鎮境蜿蜒分支關脈斜向東北四百餘里分入察哈爾鑲蓋旗

並四子旗部落境諸嶺聯絡由城東北向南至土默特境黃河由西界烏拉特旗界內

蘇吉等村曲入行徑和林格爾境斜向東南流至清水河斤西南出邊牆入偏關縣

界紅河亦名由殺虎口入境向北而熱向正西由清河斤西南又河口地方入黃河大

黑河即依克圖根四子部落並察哈爾旗入境流至托克托城斤西入黃河小黑

河由哈拉沁溝流出向西至渾津西入大黑河清水河由大水口入境向西入黃河什

拉烏素河由西溝門發源向西流入黑河哈達木力河由山後發源流出山前入黃河
皆經土默特界限之內故非包數旗貫數厅尺諸名山大川不足見一界之全茲
得其所藏圖與志略中之圖合參之縮為此幅以見

中朝幅員之闊當年之頒賜外藩而無少愆者乃如此其圖中所指另有記
茲不盡書

歸化城土默特旗沿革表

兩漢

三國

晉

北魏

隋

唐

定襄雲中

二郡地後

漢屬雲中

郡

雲州

後魏初建郡

于此名威樂

城後置州領威

樂雲中等郡

定襄郡

單于大都

護府

五代

遼

金

元

明

後唐時入

豐州天德

豐州天德

豐州天德

宣德初築玉林

遼

軍

軍

軍

屬西京道

屬西京路

屬大同路

達君此是為西土

默特隆庆間封

為順義王名其

城曰歸化

土默特旗志卷一下

大清一統志載建置沿革山川考

歸化城土默特

在右二旗東北百十里在喜峯口北二百里東西距四百零三里南北距三百七十里東至四子部落界一百三十八里西至鄂爾多斯左翼前旗界二百九十五里南至

山西邊城界二百十里北至喀爾喀右翼界一百六十里東南至鑲藍旗察哈爾界西南南至鄂爾多斯左翼前旗界一百八十里東北至四子部落界一百十里西北至茂明安界一百七十里至京師一千

一百六
十里

建置沿革

漢定襄雲中二郡地後漢屬雲中郡後魏初建都於此号盛樂城後置雲州領盛樂

雲中等郡隋復置定襄郡唐置單于大都護府五代後唐時入遼置豐州天德軍屬

西京道金因之元屬大同路明宣德初築玉林雲川等城設兵戍守後為蒙古所據

嘉靖間諳達築城於豐州難採木架屋以居謂之拜牲

拜牲漢言屋也 諳達舊

作俺答拜牲舊作板升

今改正一統註下同

是為西土默特隆庆間封諳達為順義王名其城曰歸化



諸達察哈爾小王子近支也初瑪古里海弒小王子西北諸部們都爾嘉勒斯齊等互相仇殺其餘衆立小王子之支子為迪延可汗仍服屬於察哈爾迪延死傳其次子賽音納蘭部衆浸強有子七人長吉納駐牧河套即鄂爾多斯次日諸達黠多智駐牧開元上都進附宣大自稱都哩木可汗旋為察克爾汗所逐乃移駐豐州灘嘉靖十九年分道入寇越大同度雁門入寧武嵐靜等處殺人畜萬計二十年復入太原屠石州二十年糾諸酋入掠太原破州縣三十八衛十殺二十餘萬人二十九年入古北口簿京師掠鄆閔近郭意欲滿始去開拓疆土南至大同山西邊北至永邵卜東至喀喇沁西至鄂爾多斯有衆四十萬富甲於諸境把罕羅濟者諸達第三子鉄背台吉子也幼失父諸達妻實鞠之為娶烏斯都女曰大成妯羅羅濟又自聘呼圖克沙律女未及婚會諸達戚家女已聘鄂爾多斯矣諸達自娶之号曰三娘子鄂爾多斯怒起兵相攻諸達懼奪羅濟所聘女与之羅濟甚恨扣敗胡堡來降詔授指揮使是時諸達老傷孫突南走計中國恚其數入邊必甘心焉及款塞聞無恙乃大喜使使來定約稱臣貢方物開市已詔羅濟歸諸達迎之河上使使入謝隆慶五年詔封諸達為順義王套酋吉納子濟农等皆為諸達姪也因昆都楞汗諸達親弟而烏斯已延永協布多羅圖們等皆其支庶諸達於諸部為尊行力能合之凡六十五人各授都督指揮千百戶等官有差每年貢馬開市凡十一處在大同者三曰得胜曰新平曰守口在宣府者一曰張家口在山西者一曰水泉管在延綏者一曰紅山寺堡在定丹夏者三曰清水管曰中衛曰平魯衛在甘肅者二曰紅水偏夫口曰萬溝塞方歷九年諸達死子鴻台吉襲王十三年鴻台吉死子格根襲王三十三年格根死其长子和克因台吉已先故孫博額克因應嗣而三娘子所生布特達實哩之子索特納木者狡黠多智欲襲封摩明安者格根次子亦欲襲王部落無定主明年正月喀爾喀五路台吉者鴻台吉之次子糾集七十三部落聚豐川灘与索特納木為難至九月博額克因始遣使噶爾台巴圖爾濟噶等請封三十四年始受封如故事其后五六年間部落自相仇殺盜賊並興水草枯落遂至衰弱察哈爾復侵擾之及其子額默布濟吉爾嗣立國遂破滅○瑪古里海舊作毛里孩

們都爾舊作滿魯都嘉勒斯賚舊作加思蘭建史舊作歹顏賚音納蘭舊作賽音那
蘭吉納舊作吉囊都哩木舊作都隆把罕爾濟舊作把漢那吉烏新舊作兀慎爾濟
舊作那吉呼圖克沙律舊作胡兔搭金濟农舊作吉能晏巴圖昆都楞汗舊作老把都昆
都力汗烏新已建舊作兀慎擺腰永協布舊作永即卜圖們舊作土蠻鴻台吉舊作黃台吉
仰克圖舊作冕免布特達實理舊作不他失札索特納木舊作瑣納木摩明安舊作毛
明安噶爾台巴圖爾濟噶舊作敢招把都兒計虎額默布濟吉爾舊作俄木布楚虎爾
今俱
改正

本朝天聰六年

宗文皇帝親征察哈爾駐蹕歸化城土默特部落悉降九年大軍滅察哈爾命貝
勒岳脫駐守歸化城格根汗之孫俄木布乳母之夫曰茂罕潛與阿薄貽爾喀通偽稱
俄木布為西土根汗謀叛事覺誅茂罕執俄木布以還崇德元年其酋古祿格毛
圖來朝命偕俄木布返并還其世所守順義王印編為二旗以古祿格為左翼都
統杭高為右翼都統設佐領協領等員並駐城中康熙三十五年

聖祖仁皇帝自白塔駐蹕於此其官制並同內地雍正元年增設同知等官乾

隆四年於歸化城之東北築綏遠城移鎮守將軍駐劄城中二十八年以兩翼異旗都統事務改歸將軍管轄二十九年分設清水河薩拉齊和林格爾托克托城通判與歸化綏遠二同知共屬歸綏道以屬于山西省其土默特編分旗地如故又有輔國公一乾隆二十一年封貢道由殺虎口茂軍舊作毛罕今改正

城池

歸化城

在殺虎口北二百里明代所築蒙古名庫庫河屯周圍二里高三丈南北門各二外郭東西南三面三門諸達歸順改稱今名

綏遠城

在歸化城詳綏遠志中

托克托城

舊城在黃河東岸歸化城之西一百四十里即湖灘河朔

山川


陰山

在城北三十五里即翁公山西自河套之北起烏喇忒西境綿亘而東至歸化城東北層巒峻嶺共五百余里其間土名不一如白云哲特虎太白拜洪戈爾牛心諸山以至蟠羊山五連

蘇爾哲哈朗烏諸谷皆陰山支體

崔巍屏踞勢最高峻

黃河 在城西南一百六十里自烏喇忒境東南流入又折西南黑河水自東來注之又西南流入山西偏
頭关界凡境內之水入黑河者有納札海河安達河朱喇馬台河德布色黑河哲爾德
河巴漢土爾根河西刺烏素河呼克圖河哈爾几河黑勒庫河凡匯十餘水由沙陵河以
入于黃河其入紫河者有察漢音圖河努衛格爾河兔毛河並彙流入于黃河 按西去默特
駐歸化城其牧地東西四百里南北三百七十里自雍正間設立同知乾隆四年築綏遠城增設同知
通判列為六厅以屬于山西省其版籍遂同內地政部內所有山川古蹟祠廟物產皆与六厅卷相同
茲類叙山川之大者以存其概余並見六厅卷內
不復具列



土默特旗志卷二

源流 勳績爵賞附

刺麻札布土默特人姓博爾吉吉特元太祖十六世孫阿爾坦喬阿爾坦号格根汗
初由河套徙豐州灘築城架屋居之曰拜牲明史訛为板升者也與明通好封順
義王以歸化名所居城至今仍之阿爾坦九子長僧格号杜棱汗子格爾圖以避
察哈尔東徙隣哈喇沁为土默特東路即今駐牧巴顏和碩之土默特右翼札
薩克其居西路者自格根汗凡四傳至博碩克圖汗仍居歸化城察哈尔強役
屬博碩克圖汗不從偕喀喇沁部布顏台吉等敗察哈尔兵四万於土默特之趙
城又敗其赴張家口請明賞兵三千与察哈尔林丹汗交惡博碩克圖汗卒
林丹汗襲有其衆我

朝天聰六年大軍征察哈尔以林丹汗西奔唐古特移師趨歸化城博碩

克圖汗子俄木布及其部頭目古祿格抗高託博克等率眾降

詔安堵如故八年以林丹汗竄死大草灘

遣使取道歸化城往諭唐古特

命其所部人護送之九年睿親王多尔袞帥師收林丹汗子額哲於黃河
西訛里圖地貝勒岳託留駐歸化城部人告罕言俄木布乳母之夫毛罕潛通
明沙河堡守將以歸化城叛偽稱俄木布為西格根汗且導明使約喀爾喀兵
為外應貝勒岳託遣謀往喀爾喀兵在途追襲之無脫者執俄木布以歸

諭古祿格抗高託博克分守歸化城轄土默特部眾崇德元年

詔編所屬三千三百余丁為二旗以古祿格為左翼都統抗高為右翼都統領之
並世襲托博克尋代抗高子巴桑掌右翼嗣是博碩克圖汗裔分隸左右翼

稱台吉刺麻札布祖素爾巴勒濟圖父達木巴世居歸化城隸左翼乾隆三年

詔徵歸化城土默特兵千隨北路大軍剿達瓦齊於伊犁刺麻札布獻馬三百匹叙功授一等台吉

乾清門行走二年

命隨承恩公明瑞赴巴里坤從厄魯特達什達瓦部衆於阿勒台並以其妻和託輝特郡王青衮咱卜會青衮咱卜叛

詔隨左副將軍喀爾喀親王成衮札布由烏里雅蘇台進剿偵青衮咱卜欲逃往俄羅斯復隨參贊大臣納穆札爾等輕騎尾之抵抗哈特噶斯青衮咱卜就擒梟聞

詔增設土默特一旗封刺麻札布為輔國公授札薩克隸烏盟察布盟勅曰朕仰荷天庥撫綏區宇中外臣工凡有效力宣猷勞績茂著者罔弗優封爵秩用獎忠勤爾土默特一等台吉刺麻札布追擒叛逃奮勇有功朕

甚嘉之尔其副朕豢養之隆恩歸撫尔旗人衆恪守典常靖共尔職勿蹈愆
尤敗乃成業國有常刑最哉無斁二十五年以不入覲及違例妄行罪議削爵
諭曰刺麻札布自优封公爵以來不思感激朕恩奉公守法乃日耽逸樂恣
意妄為本應照議削爵但念公爵完係從前勤勞所得著加恩免削其札
薩克及乾清門行走之處併革退飭令回旗效力三十年刺麻札布卒次于索諾木
旺札勤襲四十九年

詔世襲因替古祿格者土默特人姓納喇其先本姓土默特因滅扈倫國之納喇
部遂以為姓世居葉赫部葉赫部亡依土默特博碩克圖汗於歸化城号楚琥
爾博碩克圖汗卒察哈尔林丹汗攻滅土默特役屬之天聰六年大軍征
察哈尔古祿格偵林丹汗由歸化城西遁懼掠匿山砦乃免旋請內附九年

優賚之崇德元年授左翼都統与右翼都統抗高並駐守歸化城三年春以喀尔喀
札薩克圖汗擁衆逼歸化城馳疏聞

上統大軍征之札薩克圖汗遁師旋

諭古祿格及抗高曰尔等所守城小濠狹執勢難禦敵宜於城外建築層垣以資
捍衛垣如城高一丈五尺闊稱之俾可屯兵其上垣四面置四門門各置甕城四隅各
建望樓垣外環以深濠工竣之日內城外垣嚴加防守敵自不敢窺伺尔等
其善为之夏率參領軻瑚等九十六人來朝 遣宮迎宴

詔授一等男爵賜弓矢冠服冬遣烏巴什等貢朝珠文綺四年獻所獲明
歲給幣五年授其子烏克蘇穆佐領職協守歸化城六年正月古祿格遣
第巴圖等貢駝馬三月復遣納穆習礼等解送來降蒙古

獎賜白金有差順治元年遣使獻方物

賜雕鞍弓矢皮幣二年晉爵三等子

特頒珠頂貂帽朝衣玉帶甲冑弓矢等物以殊異之六年睿親王多尔袞征喀
爾喀古祿格以兵來會偵喀爾喀遁乃歸康熙五年卒長子烏巴什泰襲三等子
召赴京隸蒙古正白旗四子錫喇布留歸化城襲都統九年卒子古睦德襲
二十二年內大臣奇塔特等奉使厄魯特察獲所掠歸化城人巴朗歸之古睦
德二十五年古睦德來朝以厄魯特巴圖爾額尔克濟农和羅哩携衆降附
將由歸化城入覲

命速歸護降衆未幾以廢職罷都統

召赴京授佐領隸蒙古正白旗以其叔父阿喇納襲尔喇納者古祿格之第
五子也由佐領襲都統二十七年偕副都統阿迪等選兵偵禦噶尔丹三年

命護視附近歸化城游牧之喀尔喀衆無致失所三十五年偕阿迪等隨大將

軍費揚古擊噶爾丹於昭莫多師還運礮七十九置歸化城三十六年正月助軍
駝三月
駕由歸化城視帥甯夏以土默特土衆委靡弓馬不嫻皆由左翼都統阿喇
納及右翼都統阿弼達等軍律廢弛所致

詔削職停右翼都統世襲改用京員以阿喇納兄子古睦德重襲左翼都
統甲三年卒子丹津襲先是烏巴什泰襲三等子卒阿玉什襲阿玉什卒子多
爾濟襲五九年多爾濟以罪革三等子

命丹津兼襲雍正元年疏請建文廟於歸化城左右翼各設滿 教官一歸化城增設
理事同知一

允之復以訓所部弁兵爛弓馬

諭右翼都統如世襲舊制以阿弼達子根敦補授其副都統職臚且津察舉九年大

軍議剿噶爾丹策凌命丹津與副都統五十六酌辦歸化城駐兵事宜尋因移駐
洪果爾鄂隆

詔察給兵騎十二年以烏喇特部被災損牧畜遵

旨察閱戶口發歸化城帑賑之十三年九月奏歸化城每年解額爾德尼招糧米四
萬八千石向用內札薩克等牛車及喀爾喀官駝請自來年始募商駝挽運停喀
爾喀官駝令善牧備軍用又應運米向由山西巡撫撥解道行不無竭蹶請以
商人所納倉米十萬石就近解送庶經費可省動用亦便

上從其請十二月

命大臣赴歸化城視形勝地築城屯田以丹津及根敦協理之乾隆元年設馬廠於歸化城北
詔丹津董牧務二年卒先是丹津子達奈居京由世襲佐領歷官散秩大臣卒無子以丹津
族子札什泰襲佐領至是丹津妻請即以札什泰為丹津嗣

詔停襲左翼都統仍襲三等子兼授三等侍衛二十四年

諭曰左翼古祿格所遺都統職前因丹津無嗣停襲著加恩照右翼例改授三等男爵令

三等子札什泰兼襲三十年卒子福保襲三等子兼三等男其掌右翼之託博克姓巴拉格

特一作博濟世居歸化城隸土默特博碩克圖汗部因察哈尔林丹汗滅土默特遂為所屬

天聰六年大軍征察哈尔託博克偵林丹汗西遁願請內附九年來朝優賚之崇德

元年授三等參領隸右翼與都統抗高協守歸化城三年率子瓦駟來朝授一等輕車都尉

世襲瓦駟以佐領授騎都尉五年

詔晉託博克一等參領賚弓矢冠服諸物六年賜貢使圖們博奇等宴及甲冑冠

服順治元年獻駝馬貂皮三年隨豫親王多鐸擊喀爾喀去謝圖汗及車臣汗兵於

札濟布喇克四年叙功

簡授右翼都統時抗高子巴柔以軍務獲罪削職以託博克代六年復隨英親王

阿濟格討叛鎮善璩於大同數報捷康熙九年平

賜諡果壯長子瓦鍋以騎都尉兼龍衣一等輕軍都尉

加恩子三等男爵卒弟古魯襲都統職十三年

詔選兵入邊會剿陝西叛鎮王輔臣十四年正月偕副都統席第等率土默特兵七百
至榆林聽調

諭獎其赴命之速三月由榆林提督陳福軍於興武營會鄂尔多斯部貝勒索
諾木亦帥兵至五月合圍花馬池叛賊朱龍糾衆來援大軍迎擊之朱龍遁城
守賊出降花馬池平六月隨大軍復磚井安邊諸砦七月進圍定邊撫定下馬
關師還駐榆林八月由西安授剿固原十五年正月寧夏兵變

認古魯等防禦靈州定邊等處旋請屯黃河岸扼寇衝 允之三月敗賊衆

於靈州六月關隴平叙軍功以兄瓦鍋已卒兼襲三等男二十年卒子拉察布襲

二十一年拉察布卒以其子什第襲三等男以其叔父烏巴什襲都
統什一作碩第卒子達什色校襲達什色校卒子納木札布襲納木札布卒子甘保
襲烏巴什者託博克第三子康熙二十一年由佐領襲都統二十八年備兵防哈爾丹二
十九年運殺虎口倉米濟都統額赫納軍三十五年副都統多爾濟等隨西路大將
軍費揚古進擊噶爾丹

命安郡王瑪爾渾統土默特兵防歸化城噶爾丹既敗遣瑪爾渾移駐愛畢
哈錫喇穆校界留兵所部以烏巴什子副都統阿弼達領之是年烏巴什卒
弼達以副都統襲都統三十六年以不事訓練罪削襲改用京員札喇克圖俄
赫楚忠相繼代任雍正元

諭曰歸化城土默特兩旗原在四札薩克內其都統副都統等官皆係本部
初附功臣子孫世職前因廢弛軍務革退都統另選京員管轄今舊習漸

改訓練兵弁行伍整齊凡行圍出征等事與內地弁兵一體効力不負

聖祖仁皇帝教育生成之意宜復舊制以阿弼達之子副都統根敦襲補右翼都統其副都統缺仍令丹津將兩旗內應補人員與原任都統副都統世家子孫內保送擢用欽此根敦係阿弼達長子初授副都統康熙五十九年授參贊大臣隨振武將軍傅爾丹由阿勒台進剿策妄阿喇布坦至格爾額爾擒宰桑貝坤等百余人復焚其糧於烏闡呼濟爾

上優賚之雍正元年襲都統職二年

詔率滿洲兵二千赴巴里坤防禦青海叛賊羅卜藏丹津尋分兵千駐土魯番師旋入覲

賜孔雀翎及

御書福字白金等物九年三月大軍議剿噶爾丹策凌根敦帥去默特兵千

赴涼州聽調七月會西路軍於巴里坤偵噶爾丹策凌遣兵由伊犁犯北路軍於和通呼爾哈諾爾根敦隨西路大將軍岳鍾琪為搗巢計龍擊烏魯木齊大敗之追至額爾穆克河而還

十月

上諭以土默特將弁兵丁連歲從征甚屬勤勞已命頒帑賞賚至都統根敦向在阿勒台軍營效力十有餘年今復至巴里坤楮著勞績朕甚嘉之特賞御用冠服及銀二百兩以示獎勵十年隨副將軍常賚等帥兵三千餘赴哈密援剿十三年撤兵由塔勒納沁入嘉峪關還軍歸化城是年

詔偕丹津協理屯田事乾隆元年叙功

賚幣四年入朝七年卒子達班爾什襲入覲

賜孔雀翎隨扈五台山以校射獲優賚十九年卒

詔停襲右翼都統改三等男以子賽音弼里克圖襲二十一年

諭曰歸化城右翼都統原係

國初土默特抗高所遺世職後改授託博克嗣因子孫不勝其任由京員補授
四次復念有可用之人是以令根敦及子班達爾什襲授是職朕思都統有整
飭軍伍之責非閒散世職可比班達爾什之子賽音弼里克圖係前鋒職今若
驟膺都統不惟恐弗勝任且旗內台吉大員甚多亦恐未必服其調度著將班
達爾什所遺都統職另簡京員補授其本支內加恩改授三等男爵令賽音弼
里克圖襲欽此是年入覲授左翼副都統二十五年以病罷二十六年卒無嗣以從弟
賽音岳蘇圖襲三等男爵至乾隆二十六年裁歸化城都統一人二十八年復裁一
人以土默特歸駐劄綏遠城之建威將軍兼管仍設副都統二人一駐歸化城一駐

綏遠城協同將軍管理

按土默特三傳乃

欽定蒙古王公表傳原文傳成於乾隆中年以後承襲世次尚俟確查補入傳中所記
太宗文皇帝征察哈爾年月與魏氏記異其左翼右翼亦第分古祿格與託博克
等所統兩旗而言與魏氏記左翼為濟拉瑪裔右翼為元裔者亦異彼兩
翼在歸化城土默特外此兩翼則專指土默特之在歸化城者也各世職距城
頗遠其家藏譜牒亦未肯輕以示人僅識其受封之始如此

右張略所識以記受封之始此後古祿特一派只襲子男三爵歸入京旗
其在土默特旗者在左翼三甲轄下其託博克一派自烏巴什後又襲七次
曰察勒布烏巴什子也傳阿達及根棟及板達拉什及阿爾賓及瓦瓦
及舒明皆嫡傳至舒明則第

賞給驍騎校當差候陞右翼都統亦裁由是 特簡京員及綏遠協

領各員為副都統管理土默特兩翼駐紮於茲詳經志中今於歸經志附
土默特一門即以張略所出王公表傳者聯為一卷題曰上卷再以土人都哈爾
札布所輯摘叙其要為下卷諸篇

土默特旗志卷三

世系 三表附

夫土默特內蒙古之一旗也相傳蒙古為黃帝遠裔傳嘗以帝少子始均為北狄之祖陳
殷所云元祖起沙漠自稱黃帝之後是也元以前吐蕃國号亦稱土伯特與土默特
音相似元之亡也子孫之在漠南北者率百余部而漠南諸部則為內蒙古內蒙古之
中八部十六旗與阿拉善青海兩厄魯特則為太祖弟哈布圖札薩爾之裔
也阿巴噶阿巴哈納爾二部四旗則為太祖 布格博勒圖之裔也翁牛特都
二旗則太祖弟諤楚因之裔也至太祖十六世孫阿爾坦之裔則有翁牛特一旗及
土默特右翼一旗及歸化城之閑散輔國公而其外又有浩齊特蘇尼特烏珠穆
沁教漢奈曼鄂爾多斯札魯特巴林克什克騰喀爾喀十部二十三旗與外
喀爾喀同祖達延車臣汗皆姓博爾濟吉特而為太祖十五世孫之裔也惟喀

喇沁及土默特左翼二部四旗則為太祖臣濟拉瑪之裔姓烏梁罕是內札薩克
四罕九旗之中有兩土默特矣其烏梁罕之土默特天聰間歸我授札薩克封達漢
鎮國公善也者所稱喀喇沁之土默特非歸化之土默特也姓博爾濟特之土默
特其祖為元祖十六世孫阿爾坦台格根汗初由河套徙豐州灘築城架屋名曰
拜姓即板升也有明通好授順義王印名所居城曰歸化是生價格台杜稜汗
再傳噶爾圖以遊察哈爾東徙鄰喀喇沁即今東路之土默特其居西路者
自格根凡四傳至博碩克圖汗仍居歸化察哈爾脅之率其部落敗察哈爾於趙
城又敗於張家口林丹汗嘆之伺其卒襲有其衆我
朝天聰六年平察哈爾移師歸化城博碩克圖子曰俄木布集衆降
詔居守之九年睿親王略林丹汗地留貝勒岳託於歸化城所部人告俄木
布乳母夫通明將以叛岳託遣襲喀爾喀兵執俄木布歸因命其部目杭高託

博克分守歸化城崇德元年以吉祿格都統左翼杭高都統右翼

事見上卷

自是博碩克

圖喬分隸左右翼稱台吉喇嘛札布之祖曰素尔巴勒濟圖父曰達木巴世居歸化

乾隆間數徵歸化城兵助剿達瓦齊暨青衮咱卜諸部喇嘛札布以功由一等侯晉

爵輔國公授札薩克增土默特一旗隸烏蘭察布盟迭被優詔後二十五年以罪

議削爵

詔貸之而退其乾清門侍御差三十年卒傳子索諾木旺札勒曰喇嘛札布者

則歸化城之土默特也

詔以輔國公世襲罔替此土默特之宗支也至歸化城之土默特非其同姓而來歸我者又有二宗一古祿格以

功授左翼都統

事見上卷

託博克亦功代杭高子巴桑為右翼都統

事見上卷

皆土默人皆傳其世居歸化城古祿格

傳子錫喇布及五子阿喇納以罷削孫古睦德復襲之曾孫丹津襲都統兼三

等子爵卒後其子札什泰停所襲之都統改三等男爵札什泰子福保以下但

襲爵而在翼都統絕託博克傳次子吉魯及三子烏巴什孫拉察布至拉察布
之弟阿彌達以罪削其子根敦仍襲之至其孫明達爾什卒後停所襲之都統改等
男爵其曾孫賽奇弼哩克圖以下亦但襲爵而在右翼都統亦絕後由宗員簡放副
都統以後去默特而統轄綏遠將軍其居歸化城如故仍分隸左右翼稱台吉現土
默特有二等台吉兼勳舊佐領者二員四等台吉兼勳舊佐領者一員四等台吉
兼世管佐領者一員其子孫年已及歲者均為台吉而輔國公一爵歸左翼三甲其
世係之概若此

土默特 爵三 遠城將軍 世系表三

此為西土默特亦日歸化城土默特烏爾察布盟

職

輔國公

喇嘛札布

名 號

子

孫

曾

孫元

孫

元太祖裔 世居歸化城

索納木旺

齊噶布

根杰勒多

貢格巴勒

札勒

嘉慶三年襲 咸豐五年卒


尔濟

光緒三年襲光 緒十七年卒

乾隆十年封 札薩克輔國 公十五年以罪 削札薩克三 十年卒

喇嘛札布次子 乾隆三十五年襲 早九年 詔世襲罔替

咸豐八年 襲光緒元年 卒



原授左翼

土默特人

錫喇布

古睦德

丹津

札什泰

都統今襲三等男

古祿格

天聰六年來歸
居歸化城崇德
元年授左翼都
統順治二年授三
等子康熙五年
卒

阿喇納
古祿格第五子
康熙二十五年
襲三十六年以罪
削

六世


福保

札什泰次子乾
隆三十年襲三
等子弟三等
男

康熙九年襲
平五年降佐領
三十六年仍襲四
十二年卒

康熙四十二年
襲都統五十二年
襲三等子乾隆
二年卒都統
停襲

丹津嗣子乾隆三年
襲三等子二
十四年以前停
襲之都統改
三等男爵今其
弟襲三十年卒



原授右翼

都統今龍三等男

託博克

土默特人

天聰六年來

歸居歸化城崇

德元年授參領

三年授一等輕車

都尉順治四年

授右翼都統

康熙九年卒

古鳴日

託博克次子康

熙九年龍泰十年卒

烏巴什

託博克第三子康

熙五年龍泰三年卒

六世

賽音弼哩克圖

乾隆二十年襲三

等男于六年卒

賽音岳蘇圖

從弟乾隆三十六

年襲

拉察布

康熙二十年襲

二十一年卒

阿爾達

康熙三十五年

襲三十八年以罪

削

七世

噶勒增

乾隆五十五年

襲嘉慶十八

年卒

根敦

雍正元年詔仍

襲都統乾隆

七年卒

八世

納沁

嘉慶十八年襲

道光二十九年卒

九世

吉朗阿

道光三十年襲

光緒六年卒

班達爾什

乾隆七年襲十九

年卒都統停襲


改授三等男

九世

吉朗阿

道光三十年襲

光緒六年卒



法守

其年班則左右兩翼台吉輪值各一年所貢湯羊十八

御府所資以頒賞也台吉人各具一馬雖增亦十八人任之貢馬匹四百六十三石青二千觔

乾隆三十四四十年

詔罷之以恤藩臣無佻貢

其陞轉則上而參領下而驍騎校前鋒校每章階必咨送理藩院今改部帶領引見一次

現在新例參領佐領仍前引見雲騎尉以下官員不引見永著為例通行在

案設有副都統託名仍

召見前參領烏爾圖納遜亦復

召見二次有案

其城曰歸化南門亦曰歸化皆因志順之歸義而名之者也北曰建武東曰承恩西曰柔遠其舊南門鼓樓曰威固初為唐盧世德所建乃土城也謂之豐州至明季始砌以甃改今名國初繙清語曰胡呼和屯乾隆年奉

旨歸化譯以胡呼和屯意多不合著改為庫克和屯其名始定城周六里余高三丈有奇南北二門經左右翼弁兵与台吉等修於康熙中年乾隆初元又葺之道光中築土垣為郭是城也京畿之銷鑰晉垣之襟帶烏伊諸盟之屏蔽庫科烏諸城之門戶而綏城之所為犄角也雞曰守在四夷其能忘險哉

其衙署則北門內南向者土默特旗正都統衙門人曰丹府 統於乾隆間奉敕舊衙為其子孫世守以為歸化稅局所僦居道東巷有旗務衙門轅門儀門兩堂具備東為戶司署西為兵司署東北為印房總理署又東有旗庫其外有漢稿房專主漢文稿其滿蒙文件均隸兩司丹府迤南而西向者為今副

都統署其內衙室仍南向門堂寢室前鋒營回事處具馬城外西南有道署理事同知署西北有巡檢厅及監獄城北有舊都司署今為續備軍管同在歸城外不備述其地方官吏理蒙民交涉案件者先由將軍都統奏設五厅委用理藩院筆帖式五員至七員後改置蒙民理事府又設歸綏道改置撫民理事同通達道轄之現歸化薩拉齊為理事同知托克托和林格尔清水河三厅為理事通判均在土默特界內又置巡檢以副厅治之所不及蒙人裕席之安皆天家之賜矣

其國書則報部文件止用清文不用漢文迨後內地民人漸集漢文風氣一開蒙人遂多肄漢書凡有公文案件報部則用清文咨各札薩克旗則用蒙文移道厅均用漢文近歲大半以漢文往復不為例禁所拘惟各署繕書則以爛滿蒙者應之耳

其學有禁習漢文之例公文案牘皆用蒙文慮忘本也自建文廟設義學以
來則漸習漢文矣文教涵濡狂榛潛化近歲土默特學生亦應童子視於五
原薩拉齊斤之間經兩斤請於學使學使咨於禮部准與漢文一體赴
考尋經寶瑞臣學使以文理優長取入斤學二名曰巴文峒日奎傑是其文字
萌芽造就殆未可量今聞往太原肄業學為師範而歸化立學已有土默特學生
十余名經遠將軍貽穀新開學堂亦招蒙人附課其中周孔北方之學所以能化
朴儂為文明者豈不信欤至其學滿蒙文者理藩院定例應送繕滿蒙文之
生十名聽諸署差遣歸綏道署二監督總局稅斤二歸化斤二薩托和清斤俱一在置三
年勤慎無過由道行加考呈軍府都府察勘無異予以升階

附學校考

光緒九年九月二十九日巡撫張子洞奏七斤改缺後應議各事宜內稱五斤所治皆係土默特地面查土默特筆帖式聞向有准考繙譯鄉試之說但此處蒙古亦概未赴考今既在土默特地面立學該蒙古係屬土著自亦未便獨令向隅似應於歸化斤一處設土默特繙譯學額二名由歸化城副都統於土默特官學生內考錄送學政一體隨棚考試將試卷封送禮部或何處通曉清漢蒙文衙門校閱取進後仍發文學政咨送副都統榜示俾其涵濡

文教漸化愚頑於治理不無裨益雖向無辦過成案值此整飭邊政之際未便稍事拘泥自繙譯鄉試仍照筆帖式調京考試之例辦理十月初六日奉

旨該部議奏光緒十年四月吏部等部議奏前摺內稱臣等悉心核議各該斤所治土默特地面蒙古係屬土著所請添設繙譯學額之處亦應俟漢民學額議定時將繙譯童試章程照例舉行以裨風教奉

旨依議

光緒十年九月十二日署巡撫奎彬等奏七斤尚難遠定學額擬請援案酌量取
進原請設土默特繙譯學額現在漢學既歸專設是否一律舉行應候部議九月

十八日奉

旨該部議奏至十一年正月二十日札部等部議奏前摺內稱土默特繙譯學額據升
任撫臣張 奏請額設二名由歸化城副都統考 咨送學政隨棚考試等

語經臣部議係漢民學額 定後查照繙譯童試章程舉行在案今七斤

漢民 准其就近應試酌量取進該蒙古係屬土著更未便獨令向隅亦應

自下屆歲試為始由歸化城副都統查明該處如實有繙譯精通者准其

一體考試遵照定例每五六名取進一名並照前奏以二名為限如報考人數

不敷即行停止其考試事宜應詳查繙譯童試例案由該副都統遵照辦理

毋庸咨送學政考試奉

旨依議

蒙古漢學童生考試例

光緒三十年二月二十六日山西學政寶熙咨呈禮部公文略曰據署五原府同知姚學鏡薩拉齊同知清治合詞稟稱卑府等童試錄取土默特蒙古文童巴文峒奎傑二名文理均屬優長應否一同送考稟請示遵等情前來查光緒十一年正月大部議覆口外七府漢民既設專學土著蒙古亦未便令其向隅應查明有繙譯精通者准由該副都統詳查繙譯童試例案遵照辦理等因良以該處蒙民向無通曉漢文之人故僅定有考試繙譯之專章而於報考漢文作何辦法未經議及現據該府等稟稱土默特文童巴文峒奎傑二人文筆優長有志上進足徵

文化涵濡日久風氣漸開且當疆土地新闢蒙漢錯處之時亟宜變通辦法藉泯
畛域而澤以詩書擴其學識化喬野為文明尤為無形之轉移查各省回民錯處久與
漢民一律考試又全書土苗事例內載嘉慶八九兩年大部議准浙江之番民四川之番民有願
應童試者准其與平民一體報名赴考其卷面亦不必分別漢番仍照原取
進如漢民肆行阻撓者照例辦理等因各在案今蒙古巴文峒奎傑報名應考核
與一律予試之例相符况蒙民近甚回番尤宜一體相待兼以各厅人文未盛亟應變
通辦法准其一律應考以開風氣而免向隅相應據實咨請 云云 禮部核准
立案

乙巳科由歸化城土默特右翼六甲參領屬下蒙古文童二名一名搭齊佈
佐領下巴文峒一名德勒格爾佐領下奎傑已由學政考取文生

其學堂經將軍貽穀所籌三十年因新法起設監督一員月給津貽五兩 額四

十名每名月給津貼銀一兩二錢學科如定章教習漢文一員十二兩滿蒙一員七兩司事一員三兩常年經費九百兩是謂小學堂三十年又設蒙養學堂一所生額五十名其經費自都統就地籌役外由將軍查有蒙旗歐脫地中為四子王察哈爾所爭田並達旗回成地又有瀕臨黃河最窄下之地二十頃而漢民私墾蒙民禁格者均議作絕遠學費批歸蒙學公費三十二年 奏定

其武備則六佐領下原有披甲兵五千名領催三百六十名每佐領牛录六名辦牛录差使之前鋒二百名應軍轅差者百二十名應都轅差者八十名其餘為參領佐領所差遣者各二名驍騎校所差遣者各一名派赴各臺站卡倫渡口以資捍禦者又若干人此外在兵戶兩司印房旗庫巡捕營四門以及壇廟教場倉廩防衛之兵紛紛瓜代合之見多分之見少且服役以有餉而勤常操以無糧而惰况承平日久將鮮知兵士卒嬉遊漸成風氣以視國初蒙兵之驍勇而南北用

兵足資調遣者迥不侔矣春秋二仲之蒐狩僅得千余人雖設為操練營員未易
成為勁旅後所操一營已停僅定百人更番操演祇以兵無薪餉全倚戶口地畝
且耕且牧充當各路苦差故難望其操練成軍也自光緒二十六年以來由前將
軍部統疏請由土兵內挑選精壯派參佐等官訓練編為常備軍近奉新章飭
各營設武備學堂改練一切新操現經貽將軍

奏明先練二百員名分為左右兩翼認真教練所資槍銃前由德商定購二百四
十枝皆七馬毛瑟馬力步快槍仿照所訂綏城學堂規制其津貼口分等款由六
成地租項下籌備春秋兩次由將軍校閱俟操法漸熟更擬更換二班以符常
備續備等制惟鉅款未易續籌耳

其差役則六十佐領下蒙兵五千內有領催三百六十名每牛采六名前鋒二百
名奉將軍差遣者百二十隸部統轄門者八十參領差委者三佐領二驍騎校

一以及派赴各卡倫渡口外皆在兵戶兩司印房旗庫巡捕營

壇廟四門教場會殿處當差

其台站有三二烏里雅蘇台定邊左副將軍一科布多參贊大臣一庫倫辦事

大臣所司台站凡領餉換防等差由土默特派弁兵迎送其三台由歸化起程者

曰首台察齊魯木台為二台補尔克速為三台相距各九十里其經費由本屬

生息項下開支歲八九百金若第四已至大漢德力歸達爾漢貝勒旗境接辦

矣驛站者亦即台站之路也凡將軍各署公文徑行台站例由土默特六十佐

領下出丁接送至今有村名八十家五十家或二十家在驛之旁皆以驛兵之目

而名之者欵察齊魯木一作察齊拉補尔
克速一作佈尔克素

謹案康熙三十一年設立外藩蒙古各驛站每驛相去百里惟科爾

沁土默特由行走不另置驛又自歸化城至鄂尔多斯八百里置

驛第八蓋將通道於四裔亦使外服共效馳驅之役所以普車書於大同也
考臺站遺規及土默特之所紀可以博

皇道而宏漢京馬

其要隘謂之卡倫則官渡三處 每處原設官船二隻兵十五名 一胡灘和碩 在托斤東南距歸化城百八十里 一南

海子 在薩斤西南距歸化城三百里皆設防禦驍騎校各一員無俸餉 又卡倫十一處 每處按月由兵司派官員兵五名 察汗鄂博 在城西三百三

里 西二 五當谷 在城西二 四處在達爾汗旗薩斤分境內又有七谷曰

特孟庫珠 在城西 曰奇爾庫 在城西 曰翰滾 在城北 曰哈拉沁 在城東北 曰鄂奇特

在城東北 曰烏里雅蘇台 在城東 曰和林格爾 在城東南 在歸斤分境內又卡

倫八處 此四處卡倫按月派官員蒙兵各十五名官每月盤費四兩五錢 一尔登卡 在城

里 五十 二哈拉托勒亥卡 在城北 三哈拉哈少卡 在城正 四東哈魯勒卡 在城東北

五翰滾特克 在城西北 六庫特依 在城西北 七特呼木圖 在城北 八克呼溝 在城

百三十里 百五十里 七十里 百二十里 正北 西北

又二处胡雅克图察漢庫圖勒又與烏兰察布一盟六旗共設卡倫十二处四子
部落五卡達爾汗三卡茂明安一卡烏拉特東西中各一卡

按綏遠城所載卡倫十二处與此不同曰鞏滾在城北二十里又二十里曰哈喇沁
又二十里曰鄂奇特又三十里曰烏里雅蘇台又三十里曰和林格爾城西北八
十里曰阿塔庫又六十里曰特門庫珠又一百二十里曰夏魯弟又五十里曰蘇勒
哲又五十里曰烏達又四里曰察汗鄂博每月輪派土默特官兵巡防而此不
言者蓋同治間 奏停十二处之役而此特自守其要害非役於軍府者歟

又案識略謂卡字後人所造字彙補作從納切解曰楚屬关隘地方設兵
元塘謂之守卡今讀如克雅切取不上不下之義意所謂上下关键也近日
稅关小者皆曰卡倫字義鮮有解者疑為語助若庫倫索倫之類紀文達
所著書注曰戍守瞭望之地曰軍營瞭望之名大率扼其衝要以防寇犯必

據山川形勢之險而為往來所不能越者故記其隘無要於此歸綏之卡多於內地蓋統諸戶而籌之備之以與土默特劣兵而守之者也然此與土默特頗有異同一則蒙汗文字繙譯各殊一則彼之所轄有隘於一道之地者可參而觀之

其倉在歸化城內駝橋街內設隆字一版儲穀二千石係支放副都統署俸並托里拉克召喇嘛口鐘及養濟院月米之備今以舊章覆革露積云虛有存焉者則舊都統堂東一庫叢存房地租銀煤炭稅銀以備春秋祭祀將軍都統廉俸官學膏獎及修補軍械操演公費繕書鋪司台站差使工食一切賞卹之用膏獎操演變而學費矣其他源源待給尚可問諸院鑰之司乎

其戶口則左翼所統共戶千六百四十一又九職官至甲兵男婦幼丁共口七千七百三十一又六右翼所統共戶千七百有四十職官至甲兵及男婦幼丁共口七千八百六十一又四線計三千三百八十九戶一萬五千六百名口

國初以來蒙人亦繁盛矣當日興師遣戍常以千計舉數百里之衆生養休息
二百六十余年椒聊瓜瓞當如何縣縣繼繼蕃衍盈升而今民數乃如此燕
晉秦邊鄙之人填塞於其境枝強尾大母亦有可慮者牙揆其式微之故非
謂租賦之不給物產之不饒無以養其身也實以

王化所播聖教所被常阻於金河紫塞之遙則富貴與生俱來轉以甚其人
情之竅情而者欲之為累貪愆之見欺且日以感其生計固不徒格根喇
嘛捨身招提多自斬其嗣續也蒙人警焉治蒙者思焉

土默特旗志卷五

賦稅附輸田

其所賦之田向由歸化城代徵渾津黑河等處本色米二千六百一十六石有奇又改折米五百八十八石薩拉齊厅代徵本色米二千零五十三石有奇改折千七百十七石有奇和林格尔代徵本色米三千六百九十七石有奇改折二千六百二十七石有奇清水河代徵折色米二萬九千一百三十七石有奇

其所稅之夫向者牲畜等稅皆自派員起徵每價一兩抽錢八文以充公費年終報理藩院核銷至乾隆二十六年由殺虎口管理每年色給公費七千兩著為例至三十二年改派理藩院章京駐歸化管理牲畜稅未幾奏移歸綏道按部則經收至光緒二十三年又由省改派道府以次委員專司夫稅仍照給公費並穀價千五百兩以外旗境內各溝若大青山哈莫爾阿利莫圖清水河喀喇烏克爾圖四處產

煤炭之窰向由土默特派參佐各一員驍騎前鋒兩校坐收額稅以資辦公年終咨報

戶部理藩院 今改戶日度 核銷至今不改

支院口部

輸田記附

土默特旗象自被 中朝收錄救授始有今日故尺地一民不能私為我有維是境
內田土陸續納屯墾爰助饑饉者所在良多有交五斤管屬征糧者有交右
衛八旗以及綏遠城八旗作為游牧者原奉

旨與土默特為公共游牧今則積墾數十百里矣本境荒田而外有糧斤管屬之
莊頭地有撥給公主之地有代買米地有撥補莊頭等項地無不由土默特納
札薩克四十九旗之中若土默特之首倡大義以助

天朝無或畛域者蓋可風焉為之羅列於後

一雍正十三年六月歸化城都統丹津協辦尚書通智等奏請將土默特境內

閒曠膏腴之地八處作為大糧官地飭交地方征糧以備軍食奉旨飭行文放征收賦役在案

一曰善岱墾地一千五百頃原文托斤後歸薩斤征米五千倉石二曰西爾格三曰補退四曰什拉烏素此三處共地七千頃交薩托二斤徵米二萬倉石五曰清水河墾地二萬七千頃交清斤徵米八萬倉石六曰特穆爾昂力行七曰渾津此三處墾地二千五百頃交歸斤徵米七千倉石八曰敝木哈克墾地二千五百頃交和斤徵米八千倉石以上八處共墾地四萬頃每畝以三升徵米共徵米十二萬倉石

一歸化斤於乾隆二年七年九年十六年五十四年

奏放渾津黑河二里官地四百三頃六十七畝六分五絲

一薩拉齊斤於乾隆二年奏交文放長泰寧善四官地二千九百三頃七十四畝五分八厘二

一托克托府於乾隆二年奏交文放安興遵三黑官地一千一百一十八頃十七畝四分

一和林格爾府於乾隆二年奏交文放物阜民安上下七黑官地三千二百五十四頃三十七畝一分

一清水河府於乾隆二年奏交文放時和年豐民安三黑官地二千四百一十二畝九分三厘

以上五府共放糧地二萬二百五頃九十八畝六分五厘二毫五絲

一乾隆三十七年奏交五府文放代春地一千五百九十三頃九十八畝 每年應徵銀三千五百兩

一乾隆六十年嘉慶二年文放以後八旗廠地六千九百五十五頃

一嘉慶十四年文放撥補莊頭四旗廠地七百九十頃五十分

一乾隆五年二月開禁墾蛤蟆堤後八旗廠地案內有雍正十三年民種十七旗牛地一段 每年

應納租五十一兩

一乾隆三年劾納綏遠城八旗牧廠二萬四千一十六頃五十分 原奉旨公共游牧今已經奏墾

一雍正年間奏給右衛八旗馬廠一段 在和方界

一雍正年間奏給十家莊頭地六百餘頃 在歸斤界

康熙年間効納公主地畝約數千頃 數目未詳在歸斤界

一乾隆四十二年 奏交五斤地畝二百頃上下作為鯨寡孤獨賞項 每年徵銀三百餘兩

一乾隆二十六年 奏放大青山十五道溝官 四百四十三頃七十五畝 每年徵銀一千三百餘兩

一清斤界內亦有右衛廂藍旗牧廠原放地四百三十八頃

一光緒十三年 奏放土默特六成官地二千六十三頃二十四畝六分

以上各項糧地官廠各地約有十餘萬頃此外又有帶產歸駟站當苗差蒙丁之地不在此數

按近年有報退及未報退各項糧地薩拉齊斤之所徵為多如包頭鎮米地

二百四十頃盡數報退薩爾沁米地三十頃七十二畝退地四頃烏爾巴齊村米地二

十九頃退地十九頃六十五畝磴口村米地十九頃八畝退地八頃巴拉蓋村

米地十四頃四十九畝盡數報退黑訓營村米地八頃七十五畝退地三頃九

十五畝朱尔圪代村米地四頃退地八十八畝烏渠村米地四頃九十八畝全數報
退什不沁村米地百一十六頃十九畝退地三十九頃六十九畝蘇波爾蓋村有豁
七緩三地一段其內亦有報退字樣白彥察汗村米地三十七頃九十畝全數
報退獨立渠米地四十七頃二十七畝退地二十一頃三十一畝大岱村米地二十八頃四十
八畝退地十七頃九十八畝和林格爾厅之所徵如巴尔旦村米地十頃全數報退
甲拉尔村米地六十一頃二十五畝退地三十五頃六十九畝四分肯只貝村米地三
十頃退地十八頃五十畝公布忽同圖米地二頃五十畝如數報退公喇嘛米地一十
頃零令十五畝燈籠素村米地三十頃二村開除地九頃五十畝歸化厅征收之黑
沙圖花溝二村米地十五頃全數報退麻什村米地十二頃退地六頃七十畝
又沙拉烏素喇嘛營狼家營黑土窪紅巧尔村共五村隸寬孤獨地五段全數報退 清厅所征八里
粮地報廢地八十五畝全數報廢廂藍旗廠地報廢二百六十二頃五十畝

土默特旗志卷六

祀典附召廟

蒙古稱廟曰召供佛者衆不特喇嘛為然故其寺院撲地率皆棟宇崇宏
輝煌金碧其在歸化附近奉

旨勅建或賜名者十數皆有復呼弼勒罕札薩克達喇嘛住持其在遠而私修
者更不可枚舉今作綏遠專志與歸綏全志擬仿靈壽寺志及續河南志畿
輔志之例寺觀姑從其闕惟是雍正五年尚書通智與都統丹津諸人請建
聖廟於城南門外其規制祀典如他郡縣又置官學於其旁選子弟之秀者
入學教以滿蒙及漢文字教習與學生皆予費又立旗官學曰啟運書院俾諸
生學文兼習弓馬又建先農壇並聖廟列入祀典此皆蒙旗中卓卓可傳之
盛事不可以略而歸綏大召概為蒙古呼圖克圖所建每奉

敕命頒賜額字土人重佛以為外方孔子人心所歸非徒觀之壯也爰倒廟
石一錄附祀典之後以存遺制至漢紳民所建祠廟他郡厅僉同且非家部
所崇奉茲不著錄

土默特都統丹津等於雍正二年 奏立

孔子廟正殿三楹東西各三楹曰東廡西廡後殿三楹曰宗聖祠後殿東廡六角
亭內有井曰泮池西廡建祭器庫前殿前中門三楹曰泮宮門左右二門曰禮門曰
義路禮門有正亭三楹曰名宦祠義路右小亭三楹曰鄉賢祠泮宮前中該
泮橋東西小亭一曰東齋所一曰西齋所泮橋中有櫺星門左右各小門一
櫺星外有左右牌坊額曰德配天地道冠古今櫺星南有照壁曰萬仞宮
牆照壁東西兩轅門週繚以欄乃土默特作育人材之始基也

大成殿至聖先師孔子神位

崇聖祠啟聖五王顏曾孔孟以次追尊之先賢

東廡先賢遠子以次三十九人

先儒公羊子以次二十六人

西廡先賢林放以次三十八人

先儒穀梁赤二十六人名宦祠祀將軍都統有功德於土人者忠義節孝祠
牌位如制春秋二仲上丁行釋奠禮月朔月望行香釋褐釋菜禮均如儀
先農壇於雍正五年經歸化城都統丹津具奏奉

旨於城東三里許建修正殿三楹供祀

先農神位東殿三楹西殿三楹八角亭一座設為反坫東屋三椽西屋三椽中設
大壇繚以門垣週圍籍田地五頃遵照禮部行文致祭之日每年由土默特派員
恭備祭品戶司移知歸綏道歸化厅至日歸綏道率同知巡司由厅飭知鄉

耆備辦仔種牛俱副都統主祭歸縱道以下陪祀各服蟒衣行耕籍禮

夫帝廟於雍正年由土默特參領等官施地建修趾在城南門東南小東街每年
春秋二季並五月十三日致祭三次由土默特派員恭備祭品副都統主祭道厅等
官助祭至於光緒初年歸縱道祭於地方所立廟旗務員并仍如舊

文昌廟未建時假用無量寺前殿致祭於光緒元年閏旗官員建廟於城
南稍東正殿三楹後殿三楹東殿三楹西殿三楹大門三楹上祀奎星於三層樓每
年春秋致祭如儀

書土默特都統丹津修 文廟事後

雍正初元歸化城居民客商卜地庀材將為都統丹公建生祠祀之以比費大將
軍都統鐸馬而工与材具不可止乃与尚書通智疏請初修 孔廟定为春秋

致祭並儲款以備修葺於將來即此一節可以見丹公之賢矣讓美一也

翼聖二也垂教三也惜物四也使夫為吏而邊頌諛宄俎豆者有余愧焉而出
之外藩世閱豈不難哉迄今苗裔雖微而讀王公表傳並謁費公祠肝饗勿替
焉蓋與國初諸勛臣爭烈矣寧河高賡恩

召廟記附

歸化城內外所建各召廟

無量寺崇德五年都統古祿克楚琥爾奏

奉

諭旨派員偕該寺德木齊等監修旋奉

賜寺名曰無量供

萬歲聖牌於中康熙三十六年經札薩克達喇嘛內齊托音胡圖克圖奉
旨換蓋黃瓦寺在歸化城正南一里許內設札薩克喇嘛達喇嘛各一名

寺一名
大召

崇福寺於康熙丁卯年建奉

賜今名寺在城東南一里許內齊托音胡圖克圖住管札薩克喇嘛達喇嘛各

一名 寺一名小召

崇壽寺於順治十八年喇嘛沙拉布建康熙三十三年其徒喇嘛朋素克重

修奉

賜今名寺在城西南三里許內設呼弼勒罕札薩克喇嘛達喇嘛各一名

寺一名達
松相

延壽寺亦舊寺也康熙三十五年修復在歸化城正南一里許奉

賜今名習呼圖胡圖克圖住管內有呼弼勒罕三名札薩克喇嘛達喇嘛各一名

延禧寺初祇蒙字名嘉慶六年達爾漢巧爾濟胡圖克圖會由掌印札薩克

達喇嘛詳理藩院轉奏奉

諭旨易名延禧內設達喇嘛一名

慈燈寺當崇福寺僧陽察爾濟胡錫勒罕充副札薩克達喇嘛時於

雍正五年進京 年班 奏息於城東南四里許捐建雍正十年蒙

賜今名著該僧住管內達喇嘛一名

隆壽寺距城西南二里許於康熙八年巧爾濟喇嘛達賴創建至三十四年葺
而新之由掌印喇嘛報理藩院請

賞今名嘉庆十年定迄光緒十二等年重建內札薩克喇嘛達喇嘛

各一名

寺一名愛
木氣招

弘庆寺距城正南五里許於康熙六年甯甯胡因克圖建奉

上諭賜今名內札薩克喇嘛達喇嘛各一名

甯祺寺於康熙六十一年土默特兩翼官弁兵丁捐建乾隆十九年添

建東北之至勝塔一座三十九年又添建西北之至忠塔一座四十九年奉

旨賜今名內左右達喇嘛各二名

廣福寺土默特叅領甲布之家祠也後其家人施給張嘉佛於乾隆三十九年

賜名廣福

隆福寺在東門外百步康熙三十四年故巧爾濟喇嘛達賴之徒恩克所

建因隆壽之名曰隆福寺現仍歸隆壽寺管轄未設達喇嘛

以上寺十一座俱座落木城附近乾隆八年奉

特旨賞給香燈地畝以資諷經僧徒養贍以外各寺異此

仁佑寺前於乾隆二十年准理藩院咨行

奉旨日後喀爾喀旗境果畢托哩補拉克地方修建每年給香燈供品

僧徒常年盤費等項銀三百四十餘兩由土默特記檔作正報銷載入

則例又每年應給口粮本色米七十九倉石余由歸化厅採買穀石項
下給領典至隆也湖厥所由因康熙三十四年

聖祖仁皇帝親征厄魯特駐蹕果畢托哩補拉克地方軍行乏水忽御馬
驚嘶蹊下出泉甘如醴當時

諭扈從王大臣還朝之日於此建龍神廟故有此

曰寺西北距城千余里向烏科兩城之路設達喇嘛一名諷經喇嘛二十名有
缺由土默特掌印喇嘛處選充

廣覺寺之修在乾隆三年將軍移駐綏遠城之後將軍五年一詣查閱寺
在五當谷内俗呼曰五當召距城三百四十里内駐東喀尔班迪特胡圖

克因管轄

最為黃衣叢集之所其地松柏鬱鬱翠虎鹿馴遊時有
異獸似捨喇猴哈達罕種類不可殫述

查此召原建於土默特界内乾隆九年烏拉特旗強爭之奉旨

查辦議定三溝泉淵北地準高旗借牧

廣化寺在歸化城西百里畢齊克齊正北大青山內前明中葉有寶坨
都察漢喇嘛在此山洞長齋諷經傳教僧徒至於順治十二年涅槃其徒察
漢迪彥齊察哈尔迪彥齊額尔德尼迪彥齊三人皆建寺持戒以
其師高弟子度斯哈卜迪彥齊為師順治十五年在佛洞下廣建殿堂
康熙五十八年重修雍正二年

奏請賞給度牒乾隆四十八年復

賜寺名廣化住處斯哈卜迪彥齊胡圖克圖一名達喇嘛一名

慈壽寺在城西五十里之什報齊村北大青山之陽順治十二年建康熙間

賜今名察漢迪彥齊胡圖克圖建即住管設大喇嘛一名

崇禧寺在城東北鄂奇特谷距城六十里順治十二年建康熙五十二年

賜今名額爾德尼迪彥齊胡圖克圖建即住管設大喇嘛一名

慶緣寺在城西北二十里五素圖村西山之陽順治十二年寶坻都察漢喇嘛佛建
此寺成即涅槃其徒察哈尔迪彥齊重修又於乾隆四十七年添修經堂
廣殿經理藩院轉 奏奉

旨賜名察哈尔迪彥齊胡圖克圖住管設大喇嘛一名

法禧寺慶緣寺之僧徒麻郎布巧爾濟祿佈生王吉勒建修

賜今名住持即建寺之呼彌勒罕

廣壽寺初有庆巧爾濟喇嘛納旺丹丕勒當蒙

恩賞官帑用建廟宇於五達圖之山奉

以名其寺距城二十五里不設達喇嘛歸延壽寺兼管

永安寺 延壽寺皆胡圖克圖建之於烏蘭察布地方者也被時公

主業於城正北修府於此寺院相望公主佈施鉅万令移之五速圖邨
東山中察漢哈達俗呼哈達召亦不設達喇嘛管轄如前

普會寺習呼圖胡圖克圖於山後沙拉穆楞建之落成於乾隆三十四年

賞寺名在城北百五十里山後其寺之黃黑僧徒一切經典廟規均歸延壽寺喇
嘛經理惟另設達喇嘛一名

尊勝寺康熙元年札雅班迪特胡圖克圖由喀尔克札薩克圖漢部
落旗赴京奉

諭旨著該胡圖克圖率僧徒等在歸化城地方建廟住持比歸遂於哈
拉沁山溝內建此寺康熙三十六年

賜名曰尊勝寺距城百二十里該胡圖克圖住管設札薩克喇嘛一名

增福寺在城西南百二十里素都布有呼弼勒罕住管上供

聖祖仁皇帝御靴因康熙三十五年過胡灘和碩官渡撫綏河套蒙衆駐蹕於此父
老攀轅留此遺念云旁有龍王廟

御筆額曰誠無不格當日加封金面龍王

按土默特志略所輯共四十一召附歸化城者土在四境者二十七在境外
者三今所錄於其境外並四境所建者其十八而存其十二皆以

御賜寺名及有繫於公務而存之也其所省之寺或未入通志黃教內者概
行補錄歸志以存其名錄之此篇以

國典為尊非如識略作呼圖克圖紀著札薩克喇嘛世譜云者故夫香燈
地畝各款及於報案歸兵戶司呈副

都統札飭會訊者舉不著於是編

土默特職官考卷七

土默特官秩之多幾倍於滿城將軍所屬才卒員耳土魯領而下至百六十員伏禮外藩傳龜襲紫任及子孫初雜襍祿遠珥貂璫

眷何隆也稽夫協領有兼官佐領有世管且上公之後仍上公公之後皆合承廕諸職且與

國為休焉是烏可以不紀至若某官某民舊籍不可得聞姑取當今氏譜書而著之亦猶涑水諫碑之意為之題名俾見指者知所法戒焉為考如左而列表其下

左右翼長二人

參領十人

佐領四十八人

驍騎校六十人

兵丁五千名

前鋒三百名 領催三百六十名
披甲四千四百四十名

弁兵無俸餉馬皆自備均給田有差每兵一名種地一頃官弁遞增每春
秋二季派撥兵一千名操演為操營每名月給銀一兩五錢由土默特庫

支發

祭領十二員每祭領管五佐領各頒給夫防一顆以上各官由該旗蒙古內挑
選咨送理藩院帶領引見遇有處分案件折罰牲畜

印房寓戶司東北隅詳公署其管理人員係由祭領內派委一人總理督同兩

班章京辦理水發事件

土默特志政典考卷七

理藩院則例所載五十三門其諸蒙旗之所當法而成者條例纂詳大抵各旗所同不容區別而其中亦有專條焉吾於土默特得如千錄之志中為則例一門其百數十旗公共之典簡帙繁重仍宜考諸藩部云尔

額設叅領等官

歸化城土默特兩翼左翼六甲設叅領六員佐領三十員前鋒校十員
驍騎校三十員右翼六甲設叅領六員佐領三十員前鋒校十員驍
騎校三十員外設防守南海子官渡防禦一員驍騎校一員防守湖灘和
碩官渡防禦一員驍騎校一員合品筆帖式三員九品筆帖式四員以上官
員設副都統一員管理隸綏遠城將軍統轄

補放叅領以下名官

歸化城土默特兩翼額設叅領佐領防禦前鋒校驍騎校等官遇有
缺出由綏遠城將軍揀定正陪送院帶領引

見補放如佐領中有世襲者即照襲職例辦理其餘仍照例辦理至筆
帖式由該將軍考取列名備文報院由院轉咨吏部核准補授

又有兵司戶司操演營三處各設翼長一員頒給夫防由十二叅領內
挑選咨報理藩院其兵司管理命盜鬥毆賭博案件其戶司管理
戶口田土條件與綏遠城左右司同其操演營則專管春秋二季操
演兵丁該三處遇有事務仍呈請副都統辦理不得專擅

歸綏道衙門設立帖寫

歸綏道衙門設立繕寫滿洲蒙古文字人二名由肅特學生內挑選應給飯
食銀兩該道員自行捐給五年無過該道員出具考語呈報該將軍
遇有應陞缺出分別錄用

歸化城同知等衙門各設帖寫

歸化城同知衙門內設立繕寫滿洲蒙古文字人二名綏遠城和林格
爾等衙門內各設繕寫滿洲蒙古文字人一名均由歸化城土
默特學生內挑選五年無過出具考語呈報該將軍遇有應
陞之缺分別錄用每年每名各給飯食銀六兩由綏遠城房租
項下支給報銷

禁止民人折算典當蒙古地畝

一種地民人不准以所種為蒙古地畝折算蒙古賒欠借貸銀錢違者各照違制例治罪其定例以前已經折算之地統限三年以所得三年地租清還利息清結後停利再分限五年以所得五年地租清本銀償地租不敷折算准其按年遞展以本利清給為斷地歸蒙古歸地後該民人情願接種仍令按年按畝納租不願接種聽該蒙古自便永遠禁止折算一蒙古地畝不得典給種地民人違者各照違制例治罪其定例以前已經出典之地如蒙古備價回贖該民人立即交出倘有勒指情事將民人遞籍贖地原價交旗充公地歸蒙古如蒙古一時無力回贖該民人典種已過三年者准其再種四年已過五年者准其再種三年已過十年者准其再種二年抵銷地價地歸蒙古歸地後該民人情願承種仍令按年按畝納租不願承種聽該蒙古自便永遠禁止出典

一種地民人不得重價轉典民人舊典蒙古地畝違者追出地價交旗充公地歸蒙古民人遞回原籍其定例以前已經轉典之地不許種過年分准其再種五年抵銷地價地歸蒙古免其私典旗地之罪歸地後該民人情願承種仍令按年納租聽該蒙古自便永遠禁止重價轉典

一除界內種地民人交納租息之房屋地基外不得添蓋房間再招游民違者均照私墓開墾例治罪

一種地民人應交租糧均限年清年款其偶遇拖欠一年者准分作二年帶還積欠二三年者准分作二年之限遞緩年分帶還如欠至三年以外逾限不完將地撤出歸還蒙古其租息嚴比著追清結後將該民人遞籍倘有抗霸等情加枷子兩個月滿日遞籍

奏定界址章程

一與茂明安兩旗界址自白衡果爾山所設封堆起迤東至大小兩毫賚
設封堆二轉東北至哈達圖河至南北二山山頂設封堆二迤北至烏蘭
霍碩設封堆一又北至克抽鄂博所設封堆定為茂明安達爾汗貝
勒土默特三旗交界自克抽封堆西北至副都統衙門徵租官房兩所
設封堆二起迤西為茂明安旗界迤東為土默特旗界

一與達爾汗貝勒兩旗界址自克抽封堆起至向東北之山頂設封堆一迤
東於哈拉圖溫都爾茂蓋圖庫謝齊洛薩查鄂博磨棟鄂博哈
達瑪勒河源奔經圖哈拉鄂博霍拉保山托達圖山各設封堆以托達圖
山定為達爾汗貝勒土默特四子部落至三旗交界山迤北為達爾
汗貝勒旗界山迤南為土默特旗界

一與四子部落王兩旗界址自托達圖山起向南至東巴度封堆設封堆一自巴彥封堆向西南至土默特所屬之烏蘭察布六札薩克會盟處又至烏蘭察布泉源各設封堆其泉源封堆迤東為四子部落王旗界迤西為土默特旗界

一與達爾汗貝勒兩旗以哈達瑪勒河源為正中交界迤西至克抽封堆迤東至托達圖山設立碣石山之北為達爾汗貝勒旗界山之南為土默特旗界

一與茂明安兩旗搭界之德勒格爾共對賽爾呼土克等處種耕居民於田地處所各設封堆分清兩旗地界東地租交土默特界西地租交茂明安

一烏蘭呼土克烏蘭諾爾地方由達爾汗貝勒旗向設之卡倫二處改移設於該旗界內所遺空地於錫勒格圖呼圖克圖徒衆內派人二名

撥給盤費在移設兩卡倫處駐劄防守賊盜

一與四子部落三達爾汗貝勒茂明安旗各交界處所原立封堆相隔稍遠者均加立封堆由各旗註檔備查

一與四子部落王達爾汗貝勒茂明安旗各交界所設碎石沙土封堆每年秋季由歸化城副都統行文各旗派員定期修理一次呈報副都統備查

一與四子部落王達爾汗貝勒茂明安旗如有因事失交界報部者先呈報將軍副都統詳查轉報如有仍前徑行報部者嚴參治罪

一與茂明安兩旗搭界處所已開地數住居民數飭由歸化府與副都統衙門派出之員察核

一地畝除河之南渠之西不禁開墾外其沙拉哈達巴彥河迤北之地及沙拉圖

迤東渠東之地均作為游牧由將軍副都統會印劄飭土默特及各札薩克

等永遠遵行

支用記檔銀兩

春秋二季操演兵每季三十日計兵一千名每名每日給盤費銀各五分共需銀三千兩於記檔項下支領每年春秋二季操演烏鎗並夜閱點放炮位需用火藥三千五百四十觔需銀二百八十餘兩均由記檔項下支領

駝價生息備辦差務

駝五百隻每隻變價銀二十兩共銀一萬兩由歸綏道交當鋪商民每兩每月生息一分按四季交割副都統衙門備辦烏里雅蘇台科布多等處公務差遣及運送官兵驛站盤費等項之用

煤窑錢文分別之用

煤窑二十二座每年共徵錢千餘串不等所徵錢文內十分中三分作為

管理煤窑之官兵盤費外其餘支給遠方出差之官兵盤費二百兩其每
年年終賞給奮勉官兵五百兩作為三等獎賞其餘易銀存貯歸化
城副都統衙門以備修理軍器之用

牧場地畝租息分給窮苦蒙古

開垦牧場地畝共計一千六百四頃五十一畝四分五厘每年共徵租銀二千八百四
十七兩六厘所徵租銀賞給土默特之窮苦蒙古共計九百名每名核計三兩一錢六分三
厘三毫其餘不及三分之一三分六厘銀即增給未名邊冊報院核銷此內遇有逃亡
者仍給伊家養贍家口無家口者另揀貧苦蒙古賞給其未經垦過之牧場永
行嚴禁開垦

地租分賞鰥寡孤獨

撤出蒙古等名下地二百九十八頃六十八畝內開除水冲沙壓地畝外現實租給民

人地一百九十三頃四十二畝每年徵租銀三百余兩均賞給該處隸官孤獨作為養贍之資

公費於稅務項下支領

歸化城商民輻輳之處所有煙油酒三項及皮張雜貨等物俱應歸入落地稅內照例徵稅其駝馬牛羊除進口外若繞道趨赴他省售賣者亦應一例徵稅至鐵器不許出口原恐改造軍裝器械若種地農具及平常日用器皿給票驗放毋許守口官弁刁難勒索亦應照例徵稅各項牲畜每價銀二兩徵制錢八文向係土默特蒙古徵收作為公費既已歸入正項仍令土默特等照每年應用之數具領支該監督隨時報部於任滿時造冊報銷

進

膳

恭遇

皇上由熱河前詣

盛京道經土默特札薩克達爾汗貝勒旗喀喇沁札薩克貝子旗地方各進膳一次該貝勒等先期報院代奏奉

旨後遵行

殺虎口驛站節要

殺虎口漢站額設馬四十匹每匹日支草豆銀九分零九毫每十匹准報三成

倒斃每匹除扣皮臟銀五錢應給倒斃價銀七兩五錢每年應領價銀六十

兩按兩季支領每年於正七兩月赴山西潘庫支領到站發給其八十家二十家

薩勒沁歸化城蒙古四站額設喂馬及准報之例皆與殺虎口同惟草豆銀八分三

厘二毫有奇小異外草臺馬五十匹不支馬乾其例斃價銀由稅務監督支領

章京一員坤都一員兵丁五十名前四站並杜尔格一站皆同均用土默特旗下人推杜尔格站只草臺馬外棟素海吉克蘇巴彥布拉克阿魯馬爾圖巴爾素海察汗札達該六站皆同杜尔格均用鄂尔多斯旗下人

大青山後移駐卡倫

大青山後一帶察汗庫圖勒卡倫原設官一員兵十五名於呼雅克圖地方舊設滿洲官一員兵十五名並土默特官二員兵三十名內撤出土默特官一員兵十五名移於察汗庫圖勒及翰滾特克二處與滿洲官一員兵十五名按月輪替分駐會哨巡緝於巴彥布拉克原設之滿洲官一員兵十五名並土默特官一員兵十五名移於特爾默土地方駐劄於察罕庫圖勒迤西土默特與茂明安烏拉特接壤處所之克力溝地方添設卡倫一處由各該旗出派官一員兵十名駐劄巡緝如山後遇有呈報失事責

成卡倫官兵各按分定界址封堆進蹤嚴緝但有推諉即予參辦其鄉
村散牧牛馬遇有搶劫無論蒙古民人責成歸化厅督率里長保正與出
派官兵一律緝拿限滿無獲照例開參其集錦商民捐蓋房間原為
官兵而設即由官為經理不得招致流民其附近西呀圖呀圖徒眾錯雜
駐劄之卡倫兵丁有無窩盜為匪情事由該佐領駝騎校稽查管束該
卡倫官兵盤費銀兩由土默特庫存駝價生息修理軍器兩項銀兩項
下撥出銀九千兩交歸綏道發商生息支給其添設克力溝卡倫官兵
由出派之該旗管轄卡倫官兵盤費銀兩於修理軍器生息項下減半支
給一年各支用若干均由該將軍入於記檔銀兩冊內年終報院

蒙古罪犯就近會審

歸化城各同知通判承辦蒙古與蒙古文涉命盜等案由該同知通判處

驗訊通詳呈請以遠城將軍就近与土默特之叅領等官會審起限由
將軍处次口院具奏完結蒙古与民人交涉命盜等案亦呈請該將軍就近
与土默特叅領等官會審起限由山西巡撫咨會具奏完結於各札薩克
等旗分行取會審官員之处永行停止結案後將審擬之处由歸綏道衙
門行知該札薩克

世職兼叅佐領私罪降級分別折罰俸銀牲畜

世職官員兼管叅佐領官若因私罪降級調用者照兵部例載職任兼
世職罰俸例辦理其無俸土默特官員應罰俸銀之处照例折罰牲
畜

地方承緝定限

地方人命盜劫案內脫逃蒙古人犯該同知通判詳報後由該副都統

委派土默特官員承緝自派出之日起命盜案犯初次勒限六個月逾
限不獲將承緝不力之員記過一次展限一年緝捕二次逾限不獲將承
緝不力之員一年之內應陞之處停其開列再限一年緝捕三次逾限不獲
將承緝不力之員罰五牲畜承緝偷竊等項案內脫逃人犯初次勒限六
個月逾限不獲將承緝不力之員記過一次展限一年緝捕二次逾限不獲將承
緝不力之員一年之內應陞之處停其開列仍報部註冊其未獲人犯通行緝捕
如一年之內將原案人犯全行緝獲其停陞之處准予開復應陞之缺照常列名
其續派接緝之員逾限不獲亦記過一次

地方各案脫逃蒙古人犯其不知旗分佐領者另行派員承緝如知其旗分佐領
實係土默特人犯即責成該佐領照承緝之例勒限緝捕逾限不獲亦分別記過
停陞既經處分之後能將原緝人犯全行緝獲者報院開復免其停陞於應

陞之處照常開列如知該犯係別旗之人一面派員緝捕仍行令該札薩克嚴
拏治罪如人犯在該旗地方藏匿不行縛送徑歸化城官員訪獲或被他人首
出罰該旗札薩克一九牲畜獎賞緝獲出力之人如非別旗人犯捏報別旗者
俟拏獲人犯審明後將捏報之員照窩隱盜賊例議處

官員承緝各案蒙古逃犯逾限不獲應罰牲畜逐案各限一年交出將所罰
牲畜存公以備獎賞急公效力之人該員等雖經處分如能將原案人犯全行
緝獲者其記過之案准其查銷未納牲畜免其文納

承緝蒙古逃犯之員初次限內將盜犯全行緝獲者准其記錄三次如緝獲
他人承緝之犯准其加一級命案人犯全行緝獲者准其記錄二次如緝獲他
人承緝之犯准其記錄三次宥劫等案人犯全行緝獲者准其記錄一次如
緝獲他人承緝之犯准其記錄二次並一次酌給牲畜以為獎賞如遇應罰

五牲畜之案一案准其以記錄一次抵銷四案准其以加一級抵銷一切陞遷准計
加級記錄辦理

內札薩克喀爾喀等處移覆旗下次文定限

地方之命盜案內有未提內外札薩克等旗之人犯及咨查事故並特令
緝拏者喀爾喀四部落定限六個月內札薩克各旗定限四個月該札薩
克等如逾限推諉不將人犯解送不即查覆案情遷延時日者由承辦
官申報該上司即行指名參奏報院分別議處

各旗章京驍騎校等官捐輸駝馬議給級紀加銜翎枝

內外札薩克各旗管旗章京副章京參領佐領驍騎校武備特兩翼
察哈爾八旗熱河之額魯特等處參領佐領驍騎校前鋒校護軍校
等官捐輸駝馬八匹者給予紀錄一次捐至十六匹者給予紀錄二次捐至

二十四匹者給予紀錄三次捐至三十二匹者給予加一級捐至六十四匹者給予加二級捐至九十六匹者給予加三級捐至一百二十八匹者給予加四級捐至一百六匹者給予加五級止捐至二百匹以上者比照王公台吉捐輸章程擬給加銜陞銜翎枝捐不及八匹者概不給予議叙

土默特旗志卷八

食貨

其產五穀略備。莜麥即油麥。青稞者曰青莜。麥民食所重。又有小麥。其味佳。種者猶鮮。次葫麻。次糜。又有芟子。即內地梁也。糜為饘粥。比戶啖之。芟子以飼畜。為粳者。窶人耳。黍稷間植焉。豆種頗多。黃黑紫綠扁豌豆。蓮慈以佐穀。及煙葉。辣先之類。資於人者。亦間播其種。

其瓜則西東南。玉果則桃李。蘋海棠。賓恒多有之。惟瑣瑣葡萄為茲土佳。西載一統志中。

其植松栢間。生桑椿。尤。馱榆柳。梓楊。水隈山曲。稍煖處。叢焉。而楊柳之繁如腹郡。

其藥則黨參。黃耆。甘草之類。產此者。良。大黃。枸杞。芍藥。亦隨在而生。

其獸狼獾狐虎豹鹿及黃羊青羊之類向多獵者近少材武之人也

其禽家則鴨鵝之類野則雉鶴沙鵝之屬若鳩鵲青莊則他境所少之產也

其畜惟牛羊馬為最夥驢言馱其餘也同馬市皮革不能自鞣裁毛不能自組亦惟與骨角類俱於南賈而已

其魚惟鯉出自黃繞流網羅之法土人罕習之故得者率盈尺尚合古人不竭澤不數罟之意

其服惟繭綢來自山左登萊等郡大布夏葛之類亦購自客商客民頗不勤紡績故也

其薪樵之山及牧地曠土煤炭山谷多可採有大炭暨藍炭之分境內之青山

哈莫爾阿利莫爾圖喀喇烏克爾圖四溝皆有稅額歸本旗公費以外若五當溝

巴圖溝萬家溝黑牛溝俱產煤而不旺亦未及盡礦法之良

風俗

風氣剛勁狃習勞苦不見紛華異物而遷故家給人足戒備完整遠史

朔漠以畜牧射獵為業生生之資於是乎出遠史

俗無室廬隨水草以居遷徙不常金史

塞外蒙古氊帳房最佳風不能動日不能透寒不能入奉使日記

貴者褥被皆以皮為之或貂或狐羊從便同上

一地兩租地戶自相爭奪先牧后逐蒙漢激為事端鍾道秀稟稿

土部附近邊內其飲食起居竟與內地民人無異漸至惰窳成性有地而不習耕

耘無畜而難為孳牧晉撫張之洞奏

蒙人生子有及前髮者留顛門髮撮者名曰馬髮十二歲到奶奶廟以驢還願

或雜以草後留髮辨曰十二和尚都參領志畧

男十五以上比丁之年父兄為加官帽以桿五尺量其身是為成丁乃編入戶籍充當折差

女十五以上戴笄即滿洲大簪也同上

居喪過三週年招延戚鄰志草

蒙性懶惰臨帝習故更而張之必起其疑籌邊舉要

蒙古游牧為生初多肉食近以漢民北耕亦甘食五穀然仍不習農業同上
疾病灾祲多延喇嘛以修禳之出佈施錢以供香火盈千累萬不惜同上

蒙古相見向以哈達定婚用幣帛儀謂之哈達喜其初似絹尚繡佛像頗雅觀至今已太薄無所用

婚嫁帖套盛裝銀器志畧

生長少朔漠本有樸厚勇極之氣綏遠奏稿

俗兼新漢教雜洋回 晉撫岑疏

家民困窮日甚一日種族零落廬帳蕭條台吉而上才足自存兵丁之屬

衣食多缺 同上

開墾之地設官編戶耕佃樂業蒙漢永安 同上

外近繁華內實勤儉蓋寄居多閩南晉北人猶有唐魏之道風焉 各戶志畧

蒙古民族接見先問家畜之安否後及家人之安否及臨去告辭離席而出帳

幕主人送于數步外示尊敬之意此惟官吏高僧常受此特禮 五原府志

禮儀下同

途中遇人各出所攜之鼻煙相供以是為禮

見貴人始則跪於其前自述口儀甚表尊敬之意及其既久言語相鄙呼笑自

若如無人在其前者

五原府志略
習氣下同

喪無棺槨之備以火化之或以氈毯裹其屍棄之原野謂以屍體食禽獸力

種善根其敝俗至

上元前後三日各家聚石炭於門首累作幢塔狀然之通明竟夜名曰旺火除夕
至元旦庭院亦各懸炭取其明也中秋節夕陳瓜果於庭拜月以西瓜茄菜雕

鏤作燈燃以紅燭

五原府志歲時二節

土默特旗志卷九

職官

土默特官秩之多幾倍於滿城將軍所屬才六十員耳土參領而下至百六十餘員
外藩傳龜襲紫任及子孫初離襁褓遂珥貂璫

眷何隆也稽天協領有兼官佐領有世管且上公之後仍上公台吉之後皆台吉承
廢諸職且与

國为休焉是焉可以不紀至若某官某民舊籍不可得聞姑取當今民譜書而
著之亦猶涑水諫碑之意为之題名俾見指者知所法戒焉为考如左而列表
其下

職官考

左右翼長二人

參領十人

佐領四十八人 驍騎校六十八人

兵丁五千名

前鋒三百名 領催三百六十名
披甲四千四百四十名

弁兵無俸餉馬皆自備均給田有差每兵一名種地二頃官弁遞增每春秋二

季派撥兵一千名操演為操管每名月給銀一兩五錢由主熟特庫支發

參領十二員每參領管五佐領各頒給夫防一顆以上各官由該旗蒙主內

挑選咨送理藩院帶領引 見過有處分案件折罰牲畜

印房寓戶司東北隅

詳公署

其管理人員係由參領內派委一人總理督同兩

班章京辦理承發事件

又有兵司戶司操演營三處各設翼長一員頒給夫防由十二參領內挑選

咨報理藩院其兵司管理命盜鬥毆賭博案件其戶司管理戶口田土案件

與鑾遠城左右司同其操演營則專管春秋二季操演兵丁該三處過有事

務的呈請副都統辦理不得專擅

職官表一

參領十二
缺

左首
翼甲 松阿哩

二
達恒泰
甲

署理戶司
防管理戶
田土案件

佐領六
十
缺

公賀色
兼參領

世管
納遜

公森
額

公蘇克精額
兼參領

公達恒阿

公巴彥尔

公德波珂

公佐什珂
兼參領

驍騎校
缺

札勒恒泰

補音泰

阿哩貢

蘇通阿

福承

瑞恒

兆納蘇因

謙津蘇隆

三
甲 阿靈阿

署理兵司差防
管理命盜門
賭博案件兵司
戶司各設翼長
一名頒給差防由
參領內挑選

四
甲 倭什珂

世管 阿木格

世管 補隆巴雅爾

世管 烏爾圖達賴

中公 阿靈阿 兼參領

中公 圖孟鄂齊爾

世管 珠隆阿

勳舊 塔沁阿

世管 因森阿

勳舊 察克都爾札布

世管 德克津佈

中公 若憲 兼參領

穆特質

鳳林

札什巴勒

阿勒騰鄂齊爾

鄂齊爾

圖敏額

帝明

因敏泰

補音德勒格爾

音德賀

多倫武

五
甲蘇克精額

六
甲若憲

公德勝

富珠哩

世金善

穆精阿

世齊哩克泰

額克哩貢達賴

公伊精阿

兼參領

景文

世泰順

瑞春

世巴圖納遜

阿克都善

公納木吉勒

阿木格

公錫齡

錫拉捧阿

公德音泰

色尔古隆

公松阿哩

兼參領

阿木格林沁

世額勒德珂

額勒德珂

右翼

首
甲哈芬阿

中公阿哩雅

額德勒庫

世管國安

双明

世管經濟

錫齡阿

中公達恒泰
兼參領

烏爾圖納遜

中公吉祥

納遜

二
甲賀色春

世管舒敏泰

滿篤戶

中公納尔洪阿

慶春

中公哈芬阿
兼參領

國勒芬阿

世管福隆阿

格汝第

世管托克托佈

阿克尔贊

三
甲德隆額

世管烏雲珠

特吉斯巴彥尔

甲四 蘇朕春

甲五 伊精額

公 中國仁阿

公 蘇朕春 兼參領

世 管 都 楞

世 管 塔 庆 阿

世 管 富 雲 珠

世 管 納 斯 洪 阿

世 管 都 楞 桑

公 中 胡 圖 哩

公 中 和 紳 泰

公 中 都 格 尔 札 布 兼 參 領

世 管 崇 林

德 克 津

納 木 吉 勒 瑪

納 遜 習 第

珠 隆 阿

巴 音 朝 克 圖

納 斯 洪 阿

圖 伽 佈

依 習 丹 贈

賽 沙 佈

特 吉 斯 納 木 圖

崇 林

六
甲都格东札布

公
中吉忠額

哲克敦額

公
中喜蒙額

噶勒斌阿

公
中諾蒙格呼勒

札拉芬

世
管塔齊佈

豐 紳

世
管蘇通阿

富 林

公
中德隆額

兼參領

明 順

世
管察克都尔色令

額勒德孟因

世
管音德賀

托 津

職官表二

世襲輔國公
現未承襲

騎都尉 一員
都 前鋒校

渡口 防禦
驍騎校 二員

筆帖式 七員

廕監

睿濟札佈 溫德遜

倭仁泰

八補音泰

額爾更達賴
外三員現未承襲

塔齊佈 德寶

發福哩

穆精阿

承襲

達 賴補隆巴爾雅

防禦二員

色囉佈

恩克吉爾格勒 太

平阿林泰

九札克森阿

巴音朝克圖 因

孟豐紳額

錫林泰

烏索尼喀 依哩佈

駝騎校二員

阿昌阿

圖孟格呼勒 舒敏泰

音德本

富 林 常 喜

賽沙楚喀 金 喜

外四員現未承襲

都楞山

補音圖 胡 陞

穆精阿

塔清阿都

林寶

圖敏

高尔滚

经济

国安

富興

福坦

土默特旗志卷十

人物

開國之傑如阿爾坦格根汗如博碩克圖如喇嘛札布如吉祿格託博克杭高三公元勳偉略卓然可傳已入源流世系篇不復殫述此外從征勁旅委骨沙場皆有勳於

聖代龍興之運國殤芑舞祀典攸光降及後世氏族蕃昌豈無人焉出乎其中祇以二百年來

朝野雍熙鮮所表著又乏中國文字為之紀述其埋沈於冰崖雪蹟黃沙白草之中者不知凡幾矣自咸豐軍興而後此間將上得再效其長纓馬革之思營冊部檔閱著名籍志魂毅魄之雄天地山川不能容其磨滅焉錄錄忠節一篇而以悅類附於後

忠節

立功將領

頭品頂戴 記名副都統圖爾格齊巴圖魯右翼參領兼右翼公中佐領烏
爾圖納遜由前鋒於咸豐五年選補右翼驍騎校六年二月奉派前往山東曹
單一帶防勦管帶馬隊官兵臨敵驍勇屢獲全勝攻破堆河集等处身受
頭等傷一處 賞給五品頂戴於八月在亳州十八里鋪地方接仗擒斬逆酋奪
獲軍械無算奉 旨賞戴藍翎於七年二月攻奪烏龍集進勦楊家集
獲勝並立解固始縣城圍八月克復正陽夫霍邱縣等处業內奉 旨以防
禦前用九月奉札飭管帶土默特等處馬隊官兵前往獨山聽候調遣是
月某日合力進攻立解固始縣圍奉 旨以佐領即補並 賞換花翎於八年
三月奉撤歸伍是年十一月補授右翼公中佐領九年奉調派委營統領

土默特馬隊官兵馳抵天津海口大梁子張家灣通州八里橋等处與倭兵
接仗殺傷甚夥身受二等傷二處是年十月又隨同欽差大臣僧親王行抵
直隸河間府等处防勦十一月河南歸德府之戰奪勇爭先斬殺無算奉
旨以參領即補並賞圖爾格齊巴圖魯勇男号同治元年七月因擒匪
大股軍入魚台一帶地方我軍奮勇衝殺殲除殆尽案內出力賞加
副都統銜二年二月因擊獲擒首多名欽差大臣僧親王保奏賞
加頭品頂戴是年補授參領四年五月奉旨前往江南聽候欽差大臣
兩江督部曾公差遣七年七月補行引見奉旨著回任是年十二月剿匪軍
出鄂尔多斯旗游牧地撲犯河干經遠城將軍定安奏派統帶吉林黑
龍江馬隊渡河進剿八年正月因在杭錦旗一帶屢戰先捷奉旨交部從
優議叙嗣經兵部奏議給三等牌一面又加給五等牌一面是年三月間因

股匪竄擾後套纏金一帶地方奉 旨著督率所部前赴纏金一帶獨也勒辦
於是月間在烏拉特旗哈木爾和碩及阿拉善旗紅柳溝等处賊匪次第殲除
奉 旨著以副都統記名簡放二十年舊傷復發兼之積勞成疾以參領終
歸化城參領高爾肯札布前於咸豐三年帶管土默特馬步隊家兵一千五
百名前往直隸山東江南各省勦辦搶匪屢著戰功奪獲名城歷經各大臣保
奏得授頭品頂戴記名副都統並 賞戴花翎給予伊克斯巴圖魯勇字因
在營久積勞病故

陣亡弁兵

順治三年土默特官兵一千五百名隨親王夕鐸擊喀爾喀土謝圖汗及車臣汗
於札濟布拉克地方是役也陣亡驍騎校烏素珠拉等三員兵一百六十七名

六年土默特官兵五百餘員名隨英親王阿濟格討叛鎮姜瓖於大同是役也

死事多名

康熙十三年土默特官兵一千余員名奉調入邊會剿陝西叛鎮王輔臣是役也陣亡佐領驍騎校等官四員兵九十七名

十四年土默特官兵七百餘員名剿叛賊朱龍於花馬池是役也陣亡兵十八名

三十五年隨西路大將軍費揚古進擊噶勒登是役也戰歿官五員兵二百三十餘名

五十九年土默特官兵一千餘員名隨振武將軍爾丹阿力台進剿策妄拉布坦於格爾額爾克地方陣亡兵四十餘名

雍正九年土默特官兵一千餘員名赴涼州會西路軍於八里坤隨西路大將軍岳鍾琪擊烏魯木齊大敗之追至額爾穆河而還是役也陣歿病故官四員兵四十餘名

是年十月奉

上諭土默特將弁兵丁連年從征甚屬勤勞已命頒帑賞賚向在阿勒台軍營効力十有餘年今復至八里坤懋著勞績朕甚嘉之等因欽此

十年副將軍常賚等率兵三千余赴哈密援剿是役也陣亡兵七十余名乾隆五年土默特官兵二千五百余員名奉調前往烏松珠拉地方征剿叛逆是役也陣歿世管佐領鄂庆等四員兵一百八十余名

二十年土默特官兵一千余名隨北路大軍剿辦達瓦齊於伊犁是役也驍騎校色登等二員死之兵七十余名

二十一年復隨承恩公明瑞赴八里坤徒厄魯特部衆於阿勒台是役也歿於軍者佐領阿尔賓一員驍騎校阿尔哈達等二員兵一十七名

自咸豐三年起至同治年間陸續戰死傷故官兵

土默特佐領委參領管帶土默特馬步隊六十七於咸豐十年在於江皖豫山東等省疊著戰功歷保至二品花翎即補參領因軍營受傷行至山西省城沒陣亡兵一百二十余名

咸豐六年土默特世管佐領沙津滿達勒在山東臨清州一帶勦匪屢立戰功冠縣之役將捷矣窮追過敵死之是役也陣亡家兵二百余名

咸豐十年公中佐領額林佈在山東魚台縣勦匪死之又公中佐領林蓋押護糧台在山東濟南府戰沒並陣亡家兵七十余名又參領阿克敦在於安徽壽州力戰受創後沒於軍中

又佐領溫讀遜在山東曹州府與賊決死戰受創畢命
參領福隆阿在湖北麻城縣力戰歿於行間

驍騎校齊密特多爾濟在於安徽亳州等處血戰沒於陣

驍騎校音登額在應州府六十里鋪赴敵死
前鋒校圖孟吉爾圪勒在河南方家集死之

義行

右翼三甲蒙古披甲鄂勒吉圖於雍正年間調往伊犁哈密等處剿匪及青
滾咱卜善後於雍正十三年奉撤入天生大習爾麻大習爾麻生巴圖吉
爾格勒一以拯難卹貧為事生業寢落生桃爾戶桃爾戶生贊佈父子且備
且樵以養其親雖家貧如洗終其父之身無所苦楚厥後以勤約稍集家資
購田勸穡桃爾戶亦以積善繼其先志久施方藥活人最夥同治年卒
年八十五贊佈復能繼之光緒年七十八歲物故贊佈三子長阿恩格次札穆森
三塔秉泰一善相傳鄉閭稱之札穆森長子都格爾札布歷官參領弟兄
三人有子十一參領子音德賀左翼驍騎校

烈婦

右翼九品筆帖式噶爾孟光緒十八年病歿無子妻雲納氏年三十二歲痛夫
潛切誓不獨生九日不食親故慰之默然既卒同日寤

節婦

參領德力克札瓦之母道光中夫故年才十九父兄憐其少也欲嫁之不可
強言之悲不自勝曰所以不從夫於地下者徒以此子在耳幸勉以大義不使
他日無面目以入黃泉足矣勿復出此言由是壹意撫孤令先讀漢文經籍
後習滿蒙文字入司習公務游歷驍騎校中公佐領母年七十余矣二十五
年由都統詳請 旌表並給匾額於根保爾什村迤坊

右翼世管佐領索納穆多爾濟道光十二年病歿妻烏梁漢氏年二十六有
遺腹產男沙津滿達勒氏撫之成立襲職佐領氏為求良師教之學志孝

聞生三子曰塔齊佈白後世佈咸豐八年沙津滿達勒奉調出師委營總管
帶去熟特馬步隊一千五百余往山東臨清州一帶討賊六年之久身經數十
戰同治三年至冠縣剿捻已獲全勝以孤軍尾賊突大隊賊突至圍數重戰
沒於陣見忠烈傳妻雲巴氏時年二十九仰事孀姑俯畜孤幼後塔齊佈
於同治間龍職烏梁漢氏光緒九年改年八十歲矣雲巴氏現年七十有三
待旌塔齊佈以難廢應襲雲騎尉以既襲佐領讓其弟政府不允始
兼襲

右翼六甲蒙古達印世君色須鎮早卒妻雲碩佈氏年方二十一歲以姪
海寶為嗣海寶娶妻雲巴氏生一子富興甫五齡雲巴氏故後數年海
寶亦故雲碩佈氏撫育孤孫久之娶族女雲碩佈氏為孫媳生子巴文炯
後富興擢前鋒校孫媳旋歿又撫曾孫巴文炯成立於光緒三十五年考

取薩拉齊文生蒙童之入戶學自此始雲頭佈氏青年立節撫三世之孤
家世鵲起其母德之可風者歟

右羽異六甲塔尔巴巴圖特氏世居色頭鎮應收租役同治八年娶補尔吉特
氏年十九歲生子和代夫歿氏守節撫孤和代至十六歲娶婦巴武氏事
姑至謹宗戚無閒言生子成成和代旋故巴武氏亦壹志從姑以死自誓
有勸之他適者輒曰吾夫病劇時刺血和藥已拚吾命如鴻毛矣聲情
激烈無復敢言者成成年十五娶雲頭佈氏越二年補尔吉特氏故年六十又
四巴武氏痛姑致發舊疾亦故年四十九時光緒三十三年也姑媳雙節待旌

土默特旗志 十卷

清貽穀纂

高賡恩修

一九六一年四月

內蒙古圖書館據

中國 民族大圖市館藏刊

本傳抄

抄寫人劉定業

